



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

**ODLUKA**

*o formiranju Odbora za organizaciju obilježavanja 40. godišnjice Zimskih olimpijskih igara održanih 1984. u Sarajevu  
(prijedlog)*

---

*Sarajevo, juli 2023. godine*

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** [gsgv@sarajevo.ba](mailto:gsgv@sarajevo.ba)  
**Web:** [gradskovijece.sarajevo.ba](http://gradskovijece.sarajevo.ba)



Na osnovu člana 31. Statuta Grada Sarajeva ("Službene novine Kantona Sarajevo", broj 7/23) Gradsko vijeće Grada Sarajeva, na sjednici održanoj dana \_\_\_\_\_ donijelo je

(*prijedlog*)

## **ODLUKU**

*o formiranju Odbora za organizaciju obilježavanja 40. godišnjice Zimskih olimpijskih igara održanih 1984. u Sarajevu*

### **Član 1.**

#### **(Predmet Odluke)**

Ovom Odlukom formira se Odbor za organizaciju obilježavanja 40. godišnjice Zimskih olimpijskih igara održanih 1984. u Sarajevu (u daljem tekstu: Odbor), utvrđuje osnovni djelokrug rada i druga pitanja od značaja za rad Odbora.

Skraćeni naziv Odbora je: OO 40 - ZOI 84 Sarajevo.

### **Član 2.**

#### **(Djelokrug rada Odbora)**

Odbor se osniva sa ciljem donošenja Programa obilježavanja 40. godišnjice ZOI 1984. Sarajevo, i praćenja realizacije i stvaranja uslova za njegovu realizaciju.

### **Član 3.**

#### **(Sastav Odbora i predsjedanje)**

(1) Članovi Odbora su po funkciji kandidati koji su delegirani u ime institucija i organizacija koje predstavljaju u radu Odbora, i to redom kako slijedi:

- Grad Sarajevo, Jasmin Ademović,
- Grad Sarajevo, Benamina Karić,
- Olimpijski komitet Bosne i Hercegovine, Izet Rađo,
- Ministarstvo civilnih poslova Bosne i Hercegovine, Adis Osmanović,
- Ministarstvo unutrašnjih poslova Kantona Sarajevo, Admir Katica,
- Ministarstvo kulture i sporta Kantona Sarajevo, Lejla Mujkić,
- Ministarstvo privrede Kantona Sarajevo, Adnan Babić,
- KJP ZOI '84 Olimpijski Centar Sarajevo, Sejo Bukva,
- KJP Centar Skenderija, Damir Petrinić,
- Turistička zajednica Kantona Sarajevo, Haris Fazlagić,
- Olimpijski centar Jahorina, Bojana Anić,
- JP „Sarajevo“ d.o.o., (predstavnik preduzeća),
- Općina Centar Sarajevo, Lejla Dizdarević,
- Općina Stari Grad Sarajevo, Senad Musić,
- Općina Novo Sarajevo, Dženeta Muhović,
- Općina Novi Grad Sarajevo, Vahidin Pršeš,
- Općina Trnovo, Mirsad Mešić,
- JU „Gradski Muzeji“ Sarajevo, Senka Ibršimbegović,
- Skijaški savez Bosne i Hercegovine, Samir Smajić,
- Savez klizačkih sportova Bosne i Hercegovine, Elvis Husedžinović,
- Hokejaški savez Bosne i Hercegovine, Adnan Korić,
- Sankaški savez Bosne i Hercegovine, Nizar Zaćiragić,
- Karling savez Bosne i Hercegovine, Miro Klepić,
- Gorska služba spašavanja – Stanica Sarajevo, Senad Kovačević,
- Udruženje za sport i rekreaciju „Altair“, Din Pehlivanović,

- (2) Predsjedavajući Odbora je predsjedavajući Gradskog vijeća Grada Sarajeva, Jasmin Ademović, dok su zamjenici gradonačelnica Grada Sarajeva Benjamina Karić i potpredsjednik Olimpijskog komiteta Bosne i Hercegovine, Izet Rađo.
- (3) Zamjenski članovi Odbora su delegirani u ime institucija i organizacija koje predstavljaju u radu Odbora, i to kako slijedi:
  - Olimpijski komitet Bosne i Hercegovine, Seid Fazlagić,
  - Ministarstvo kulture i sporta Kantona Sarajevo, Enid Tahirović.

#### **Član 4. (Rad Odbora)**

- (1) Odbor se sastaje jednom mjesečno i o svom radu mjesečno upućuje informaciju Gradskom vijeću Grada Sarajeva.
- (2) Članovi Odbora za rad u Odboru, ne ostvaruju pravo na naknadu.
- (3) Najkasnije mjesec dana po okončanju manifestacije obilježavanja 40. godišnjice ZOI 1984. Sarajevo, Odbor podnosi izvještaj Gradskom vijeću o svom radu i realizaciji Programa obilježavanja 40. godišnjice ZOI 1984. Sarajevo.

#### **Član 5 (Trajanje mandata)**

Mandat članova Odbora traje do usvajanja izvještaja o radu iz člana 4. stav 3. na sjednici Gradskog vijeća Grada Sarajeva.

#### **Član 6. (Poslovník o radu)**

Odbor iz člana 1. ove Odluke, na prvoj sjednici, donosi poslovnik o rada Odbora.

#### **Član 7. (Stručni poslovi)**

Za obavljanje stručnih poslova Odbora zadužuje se Gradonačelnica putem Gradske službe za obrazovanje, kulturu i sport, u koordinaciji sa Predsjedavajućim Odbora, putem Kabineta Predsjedavajućeg Gradskog vijeća Grada Sarajeva.

#### **Član 8. (Stupanje na snagu)**

Ova Odluka stupa na snagu danom donošenja, a objavit će se u „Službenim novinama Kantona Sarajevo“.

*PREDSJEDAVALJUĆI GRADSKOG VIJEĆA*

*Jasmin Ademović*

## **OBRAZLOŽENJE**

**Pravni osnov** za donošenje ove odluke je sadržan u odredbi člana 31. Statuta Grada Sarajeva („Službene novine Kantona Sarajevo”, broj 7/23) kojom je propisano, između ostalog, da Gradsko vijeće donosi odluke, druge propise i opće akte i daje njihovo tumačenje.

### **Razlozi za donošenje**

Shodno Zaključku Gradskog vijeća Grada Sarajeva broj: 01-GV-02-831-1.1/23 od 31.05.2023. godine Gradsko vijeće Grada Sarajeva zadužilo je predsjedavajućeg Gradskog vijeća da, u ime Grada Sarajeva, pokrene aktivnosti na formiranju organizacionog odbora manifestacije obilježavanja 40. godišnjice ZOI 1984. Sarajevo. Dana 22.06.2023. godine održana je sjednica Inicijativnog odbora za obilježavanje 40. godišnjice ZOI 1984. Sarajevo, na kojoj je donesen zaključak da subjekti koji učestvuju u radu Inicijativnog odbora predlože svoje predstavnike odnosno kandidate za članove Odbora za organizaciju obilježavanja 40. godišnjice ZOI 1984. Sarajevo. U skladu sa navedenim, pripremljen je i utvrđen Prijedlog Odluke i upućuje se Gradskom vijeću na razmatranje po hitnom postupku.

### **Rješenja iz predložene odluke**

Članom 1. Odluke se utvrđuje predmet Odluke.

Članom 2. uređuje se djelokrug rada Odbora.

Članom 3. utvrđuje se sastav Odbora, uređuje predsjedanje Odborom kao i navode zamjenski članovi Odbora koje su predložile određeni subjekti.

Članom 4. uređuje se rad Odbora.

Članom 5. određuje se trajanje mandata članova Odbora.

Članom 6. utvrđuje se donošenje Poslovnika o radu Odbora.

Članom 7. određuju se subjekti za provođenje Odluke, odnosno obavljanje stručnih poslova Odbora.

Članom 8. određuje se da Odluka stupa na snagu danom donošenja i da će se objaviti u “Službenim novinama Kantona Sarajevo”.

### **Finansijska sredstva**

Za realizaciju ove odluke sredstva se planiraju u Budžetu Grada Sarajeva.